

易

林

註

易林卷第五

䷐震下隨兌上

烏鳴東西迎其群侶不得自專空返

獨還

無註

之乾

鼻目易處不知香臭君迷於事失於
共居一云失其寵位

無註

坤

唐虞相輔鳥獸喜舞安樂無事國家
富有

虞書夔曰於予擊石拊石百獸率
舞

屯

左輔右弼金玉滿櫃常盈不亡富有如

敖倉

無註

蒙

蒼龍單獨與石相觸摧折兩角

無註

需

釣目厭部善逐人走來嫁無夫不安

其廬

無註

訟

逐虎驅狼避者不祥凶惡北行與喜

相逢

無註

師

齋貝贖狸不聽我辭繫於虎鬚牽不
得來

無註

比

岡載共輿中道別去喪我元夫獨與

孤居

岡當作同

小畜

奮翅鼓翼將之嘉國愆期失時反得
所欲

無註

復

目傾心惑夏姬在側申公顛倒巫臣
亂國

春秋宣公十年陳靈公通於夏姬
其子徵舒病之出自廐射而中之

泰

搏鳩彈鵲逐兔山北丸盡日暮失獲

無得

無註

否

鹿求其子虎廬之里唐伯季耳貪不

我許

無註

同人

敗魚鮑室晁不可息上山履塗歸傷

我足

無註

大有

華燈百枝消衰暗微精光訖盡奄有

灰靡

無註

謙

顏叔子夏遨遊仁宇溫良受福不失

其所

顏叔子淵之父顏無繇也子夏姓

卜名商

豫

梁柱堅固子孫蕃盛福喜盈積終無
禍悔

無註

蠱

邊鄙不聳民狎其野穡人成功年歲大有

無註

臨

虵牛鳴呶呼求水潦雲雨大會流成河海

無註

觀

志合意同姬姜相從嘉耦在門夫子
悅喜

春秋左傳曰雖有姬姜無棄憔悴

噬嗑

白馬駁騮更生不休富有商人利得
如丘

無註

賁

大姒夏禹經啓九道各有攸家民得
安所

大禹姒姓九道九州之道書禹別
九州

剝

甲戌巳庚隨時轉行不失其心得且

安寧

無註

復

穆違百里使孟厲武將師襲戰敗於
穀口

秦穆公違蹇叔之言使百里孟明
視出師襲鄭孟即孟明視也厲謂
嚴厲武事也

无妄

茅茹本居與類相扶顧慕群旅不離

其巢

易泰卦曰拔茅連茹以其彙征吉

大畜

伯仲叔季日暮寢寐坐臥失明喪其

貝囊

無註

頤

亡羊補牢張氏失牛駢駟奔走鵠次

我魚

無註

大過

雀目燕頰畏昏無光思我狡童不見
子充

詩曰不見子充乃見狡童註云子
充猶子都也

坎

入暗出明動作有光運轉休息常樂
允康

無註

离

不勝私情以利自嬰北室出孤毀其

良家

無註

咸

稱幸上靈媚悅於神受福重重子孫蕃功

無註

恒

齊姜叔子天文在位實沈參墟封爲康侯

齊姜武王后叔子即太叔當齊姜方震太叔夢帝謂已余命而子曰

虞及生有文在手曰虞遂以命之
及成王滅唐而封太叔焉參為晉
星實沈參神也出左傳魯昭公元
年

遯

遨遊無患出入安全長受其歡君子
萬年

無註

大壯

被服文德升入大麓四門雍肅登受
大福

書曰納于大麓烈風雷雨弗迷註
麓山足也

晉

負金懷玉南歸嘉國蜂蠆不螫利入
我室

蠱音寨螫音釋

明夷

日在阜顛鄉昧為昏小人成群君子

傷倫

無註

家人

水父海母先來鳴响澤阜之土從高而處

無註

睽

東隣少女爲王長婦柔順利貞宜夫

壽子

無註

蹇

戴旣望天不見星辰顧小失大福逃

於外

甕音否

解

王喬不病狗頭不痛三尸失履乏我
逆從

王喬古仙人名三尸按韻府群玉
有上尸中尸下尸居人身中凡庚
申日上詣天曹言人罪福出酉陽

雜俎

損

使鸞築室身無庇宿家不容車微我
衣服

無註

益

威權分離鳥夜徘徊爭蔽月光大人
誅傷

無註

夫

辯變白黑巧言亂國大人失福君子

迷惑

無註

妬

依踞甲鎧敕筐受貝大人不顧少婦
不取棄捐於道

無註

萃

鸞雀銜笄以生孚乳兄弟六人妓好
悌孝得心懽忻和悅相樂

無註

升

登几上輿駕駟南遊合從散衡燕秦
以僵

蘇秦主從張儀主衡秦事燕儀事

秦按禮部韻毛居正曰以六攻一
爲從以一離六爲橫合之曰從衡

困

黷黷許許仇偶相得冰入炭室消亡

不息

無註

井

鷓鴣破斧邦人危殆賴其忠德轉禍

爲福傾亡復立

鷓鴣破斧皆詩豳風篇名言周公
誅管蔡以安周室之事

革

載金販狗利弃我走蔽匿淵渠悔折
爲咎

無註

鼎

泉坑復平宇室安寧憂患解除賴福
長生

無註

震

驪姬讒嬉與二孽謀潛啄恭子賊害
忠孝駕出嘉門商伯有喜

春秋左傳晉獻公嬖驪姬驪姬欲
立其子奚齊賂外嬖梁五東關嬖

五譖毀群公子及世子申生恭子
即申生也

艮

刺羊不當血少無羹女執空筐不得

採桑

無註

漸

牧羊稻園聞虎喧嘩畏懼悚息終無

禍患

無註

歸妹

明德隱伏麟鳳遠匿周室傾側不知所息

孔子作春秋絕筆於獲麟之後周室衰焉語云鳳鳥不至吾已矣夫

豐

鄰不我顧而求玉女身多禿癩誰肯媚者

無註

旅

初雖無輿後得戰車賴幸逢福不罹
兵革

無註

巳共

水壞我里東流爲海龜息几謹囂不睹

王母

無註

允

兩心不同或欲西東明論終始莫適
所從

無註

渙

天帝懸車廢禮不朝禳福不制失其
寵家

天文有帝車星

節

交川合浦遠濕難處水土不同思吾
皇祖

交川即交州合浦產明珠

中孚

句踐之危棲於會稽太宰機言越國
復存

按史句踐越王名爲吳所敗以餘
兵棲會稽鳥宿曰棲越依山林故
云會稽山名在越

小過

慈烏鳴鳩執一無尤寢門內治君子
悅喜

無註

既濟

當年早寡獨立孤居雞鳴犬吠無敢
問諸我生不遇獨離寒苦

無註

未濟

江河變服淫酒無側高位顛崩寵祿
反覆

無註

三三 巽下蠱

魴生江淮一轉為百周流天下無有
難惡

無註

之乾

首澤與目載受福慶我有好爵與汝
相迎

易繫辭我有好爵吾與爾靡之

坤

輻輳輻輳歲莫偏救寵名捐弃君衰
在位

無註

屯

折若蔽日蘭屏王目司馬無良平子
没傷

楚詞折若木以拂日兮若木木名
在崑崙西極其華光照下地蘭屏
未詳 魯伐季平子平子登臺三
請弗許叔孫氏之司馬黻戾言於
衆曰凡有季氏與無孰利皆曰無
季氏是無叔孫也遂伐公徒公孫
于齊

蒙

家在海隅繞繞深流王孫單行無妄
以趨

無註

需

執義秉德不危不殆延頸盤桓安其
室檀屯耗未得終無大恤

無註

訟

長舌亂家大斧破車陰陽不得姬姜
衰憂

無註

師

二人異路東趨西步千里之外不相
知處

無註

比

視闇不見雲蔽日光不見子都鄭人
心傷

詩山有扶蘇篇云不見子都註云
子都男子之美稱也

小畜

初憂後喜與福為市八佾列陳飲御
嘉友

八佾舞列也

履

童妾獨宿長女未室利無所得

無註

泰

玄黃四塞陰雌伏謀呼我墻屋爲巫

所識

無註

否

中復摧頽常恐衰老復賴慶五穀
爲相

百里奚亡之秦楚鄙人執之繆公
以五穀羊皮贖之號曰五穀大夫

同人

伯氏殺羊行悖天時亳社夷燒朝歌
丘墟

亳當作亳商都也朝歌紂所都也

大有

日短夜長祿命分張早離父兄免見

憂傷

無註

謙

采唐沫鄉期於桑中失期不會憂思

約帶

詩桑中爰采唐矣沫之鄉矣云誰

之思美孟姜矣唐蒙萊也沫衛邑

豫

昧視無光夜不見明冥抵空牀季葉

逃亡

未詳

隨

舉趾振翼南至嘉國見我伯姊與惠

相得

無註

臨

則天順時周流其墟與樂並居无有

咎憂

無註

觀

薑室蜂户螫我手足不可進取爲吾

害咎

無註

噬嗑

公孫駕驪載遊東齊延陵悅產遺季
紵衣

產鄭大夫子產季吳公子季札聘
於鄭子產獻以紵衣出左傳

賁

轉作驪山大失人心劉季發怒禽滅

子嬰

按史記秦始皇大發天下工匠徭役咸陽建阿旁宮直抵驪山表以此失衆民之心致漢高祖遂滅秦

剥

羊腸九縈相推稍前止須王孫乃能上天

無註

復

蝾螈充側佞人傾惑女謁橫行正道
壅塞

蝾螈止奔也蝟螈在東莫之敢指
女子有行遠父母兄弟

无妄

福祿不遂家多恠崇麋鹿悲啼思其
大雄

無註

大畜

雲雷因積大雨重疊久不見日使心

悒悒

無註

頤

三河俱合水怒踊躍壞我王室民困

無食

三河唐人都河東殷人都河內周
人都河南三河在天下之中史貨
殖傳

大過

旦雨夜行早遍辟城更相覆傾終無
所成

無註

坎

褒后生虵垂老盲微倒跌哀公酉滅

黃離

褒后即褒姒初夏之哀褒人之神
化爲二龍以伺王庭夏后卜藏其
漿至周末發而觀之漿化爲黿童
女遇之而孕是生褒姒

離

鴻鴈南飛隨時休息轉逐天和千歲

不衰

無註

咸

後時失利不得所欲莫亨偕結自逐

自逐

無註

恒

心多恨悔出言爲怪梟鳴室北醜聲

可惡請謁不得

說苑齊景公爲露臺成梟鳴其上
惡之相常騫請夜禳之明日梟當
陞布翼伏地而死

逐

駟馬過隙時難再得尼父孔聖繫而
不食

魏豹傳人生如白駒過隙孔子云

吾豈匏瓜也哉焉能繫而不食

大壯

陰變爲陽女化爲男治道得通君臣
相承

無註

晉

崑崙源口流行不止龍門砥柱民不
安處毋歸孩子黃麋悅喜

書禹貢註云崑崙之山即河源所
出砥柱石在大河中流其形如柱
今陝州陝縣三門山是也

明夷

葛藟蒙棘華不得實讒佞亂政使恩
壅塞

葛藟詩篇名蒙棘詩葛生篇云葛
生蒙棘歛葛于域予美亡此誰與

獨息

家人

公無長驅大王駿馬非其當所傷折
爲害

無註

睽

大倉充盈庶民蕃盛年歲孰榮

無註

蹇

執蕢炤犧爲風所吹火滅無光不見

玄黃

蕢雜草香也犧宗廟牲也

解

鳥反故巢歸其室家心平意正與叔
相和登高墮墜失其寵貴

無註

損

弩弛弓藏良犬不行內無怨女征夫
在堂

無註

益

特犧孔博日新其德文公燎獵姜氏
受福

此言西伯出獵載呂望歸以為師

夬

季秋孟冬寒露霜降大陰在庭品物
不生雞矢夜鳴家擾數驚

矢當作犬

姤

心多恨悔出門見怪有虵三足醜聲
可惡嫫母爲媒請求不得

嫫母黃帝次妃貌醜而賢

萃

虎豹爭強道閉不通小人謹訟貪夫受空

無註

升

雞方啄粟爲狐所逐走不得食惶懼惕息

無註

困

陳媯敬仲兆興齊姜乃適營丘八世
大昌

按春秋傳陳媯姓敬仲即陳公子
完魯莊公二十二年奔齊使爲工
正初懿氏卜妻敬仲曰有媯之後
將育于姜八世之後莫之與京姜
齊姓營丘齊所封之地

井

昊天白日照臨我國萬民康寧咸賴

嘉福

無註

革

雲夢大敷嘉有所在虞人共職驅馬

樂喜

荊州有澤敷曰雲夢方八九百里

鼎

獐鹿雉兔群聚東國俱往逐追九齒
十得主君有喜

齒音責

震

德惠孔明雖衰復章保其室堂

無註

艮

天之所壞不可強支衆口嘈嘈雖貴
必危

無註

漸

天之奧隅堯舜所居可以全身保我

邦家

無註

歸妹

下泉苞恨十年無王荀伯遇時憂念

周京

恨當作稂荀當作劬下泉詩云洌
彼下泉浸彼苞稂又云四國有王
劬伯勞之劬伯即劬侯周文王之
後嘗爲周伯治諸侯有功

豐

江河海隅衆利聚居可以遨遊卒歲

無憂

無註

旅

南山黃竹三身六目出入制命東皇
宣政主尊君安鄭國無患

皇當作里東里子產所居也子產
爲政則鄭國是恩

比共

重驛置之來除我憂與喜俱居同其
福休

無註

允

南山高岡麟鳳室堂舍和復中國無
灾殃

無註

渙

紫芝朱草與仙爲侶公尸侑食福祿
來下

芝草論芝生於土土和及王者慈
仁則生朱草百草之精也王者德
無所不通則生

節

宮成室就進樂相舞英俊在堂福祿
光明

無註

中孚

商人子孫資無所有貪狼逐狐留連
都市還轅內鄉嘉喜何咎

無註

小過

執贄入朝獻其狐裘元戎變安沙漠
以懼

書五玉三帛二生一死贄傳云此
言諸侯之覲皆執此贄也

既濟

湧泉滑滑南流不絕壞敗邑里家無

所處


無註

未濟

固陰沍寒常冰不溫凌人情怠大雹

爲災

凌人冰人也按詩傳蘇氏曰古有藏冰發冰以節陽氣之盛是以無災霜雹也


坤上
兌下
臨

弱水之上有西王母生不知老與天相保行者危殆利居善喜

書弱水旣西柳宗元曰西海之山

有王母其下有水散渙無力不能
負芥

之乾

黃犗生馬白戌爲毋晉師在郊虞公
出走

曾僖公二年晉荀息請以屈產之
乘垂棘之璧假道於虞以伐虢而
虞公貪璧馬之獻不聽宮之奇忠

諫之言遂爲晉所滅

坤

倉唐奉使中山以孝文侯悅喜擊子

徵召

魏文侯封太子擊於中山三年不
問舍人趙倉唐入見文侯悅之遂
召還國

屯

機關不便不能出言精誠不通爲人所寃

無註

蒙

白茅醴酒靈巫拜禱神嗜飲食使君

壽考

書曰包匭菁茅荆楚有三脊茅所以供祭祀縮酒之用

需

重瞳四乳耳聰目明普為仁表聖作

元輔

淮南子云舜目重瞳文王四乳

訟

水長無船破城壞堤大夫從役困于
泥塗一朝喪殞不見少妻

無註

師

二人俱行各遺其囊鴻鵠失珠無以
爲明

無註

比

隨時轉行不失其常咸樂厥類身无
咎殃

無註

小畜

蔡女蕩舟爲國患夏竦后在側屏蔽
王目搔擾六國

蔡姬蕩舟以懼齊桓出左傳褒姒
在幽王之側則蠱惑其心出史記
履

駕龍騎虎周遍天下爲人所使西見
王母不憂不殆

無註

泰

貞怨之吳畫策闔廬鞭平服荆除大
咎殃威震敵國還受上卿

貞楚人伍奢之子字子胥父奢為
平王所誅亡之吳闔廬吳王名

否

唐邑之墟晉人之居虞叔受福實沈

是國世載其樂

唐邑晉地虞叔封於晉

同人

管鮑相知至德不離三言相桓齊國
以安

管仲鮑叔善交二人嘗同貨管仲
多自與鮑叔不以爲貪知仲貧也
嘗三戰三北鮑叔不以爲怯知仲

有老母也管仲曰生我者父母知
我者鮑叔後薦之桓公任以爲相
大有

三十無室長女獨宿心勞未得憂在
胃臆

無註

謙

散渙水長風吹我鄉火滅無光墮敗

桓公

無註

豫

飛蝻蠕動各有配偶小大相保咸得其所

蝻井虫又詩蝻蝻者蠋

隨

安樂几筵未出王門

無註

虫
皿

火生月窟上下恩塞觝亂我國

無註

觀

長生無極子孫千億栢柱載青堅固
不傾

無註

噬嗑

欽敬昊天曆象星辰宣授民時陰陽
和調

書堯典乃命羲和欽若昊天曆象
日月星辰敬授人時

賁

三河俱合水怒踊躍壞我王屋民困
於食

三河唐人都河東殷人都河內周
人都河南三河在天下之中史貨
殖傳

剝

壽如松喬與日月俱常安康樂不見

禍憂

赤松王喬皆古仙人

復

天之所予福祿常在不憂危殆

無註

无妄

受讖六符招搖空虚雖跌無憂保我

全財

六符招搖皆星名

大畜

齋廟金買車失道後時勞罷為息我心

則休

無註

頤

華首山頭仙道所遊利以居止長无

憂咎

太華首陽皆山名

大過

采唐沫鄉要期桑中失信不會憂思

約帶

詩桑中爰采唐矣沫之鄉矣云誰
之思美子孟姜矣唐蒙菜沫衛邑名

坎

八面九口長舌為斧斲破瑚璉殷商
絕後

商紂無道微子抱祭器奔周其後
武王伐紂遂滅殷焉

離

臨溪蟠枝雖恐不危樂以笑歌

無註

咸

泱泱沸溢水泉爲害使我無賴

無註

恒

蝗螟爲賊傷害稼穡愁饑於年農夫

鮮食

蝗蝻屬虫名蝻食苗心虫比皆害稼者也

逐

八百諸侯不期同時慕西文德興我宗族家門雍雍

按史記武王伐紂東觀兵於盟津諸侯不期而會者八百盟音孟

大壯

長男少女相向笑語來歡致福和悅
樂喜

無註

晉

平國不君夏氏作亂烏號竊發靈公
殞命

陳靈公通於夏姬其子徵舒病之

出自廐射而中之事見宣公十年

明夷

春多膏澤夏潤優渥稼穡熟成畝獲

百斛

無註

家人

客宿卧寒席葶不安行危爲害留止

得歡

無註

睽

乘桴於海雖懼不殆母載其子終焉
何咎

語云乘桴浮于海桴筏也

蹇

手拙不便不能伐檀車無軸轅行者

苦難

詩伐檀篇云坎坎伐檀兮檀木可
為車者

解

唐虞相輔鳥獸喜舞民安無事國家
富有

虞書夔曰於予擊石拊石百獸率
舞

損

秋蛇向穴不失其節夫人姜氏自齊復入

按春秋曾桓公夫人文姜有邪行復歸于齊故言秋蛇猶知向穴而不失其節文姜不守理而復歸于齊也

益

病篤難醫和不能治命終斯訖下即

蒿蘆

按春秋晉侯有疾求醫晉於秦使醫
和視之曰疾不可爲也

夫

青蛉如雲城邑閉門國君衛守民困
於患

未詳

姤

牙孽子生齒室堂啓戶幽人利貞鼓翼
起舞

按小畜之睽作牙孽子生達義通

萃

鳧遊江海沒行千里以爲死亡復見
空桑長生樂鄉

無註

升

黃帝出遊駕龍乘馬東上太山南遊
齊魯邦國咸喜

黃帝邑於涿鹿之阿遷徙无常以
兵師爲營衛後得六相而天地治
神明至

困

履危不止與鬼相視驚恐失氣如騎
虎尾

無註

井

秋南春北不失消息涉和履中時無

隱慝

無註

革

龍門砥柱通利水道百川順流民安
其居

按書禹貢龍門屬雍州在今馮翊
夏陽縣砥柱石在大河中流其形
如柱今陝州陝縣三門山是也此
皆言禹治水之功

鼎

千歲廟堂棟撓傾僵天厭周德失其
寵光

無註

震

折若蔽目不見稚叔三足孤鳥遠離
室家

楚詞折若木以拂日兮若木木名
在崑崙西極其華光照下地三足
孤鳥日中有三足鳥目當作日

艮

望叔山北陵隔我目不見所得使我

憂惑

無註

漸

匏瓠之恩一畝千室萬國都邑北門

有福

無註

歸妹

域域牧牧憂禍相半隔以巖山室家

分散

無註

豐

其驎騶耳遊食萍草逍遙石門循山
上下不失其所

驎騶耳皆良馬名石門地名

旅

天所祚昌文以爲良篤生武王姬受

其福

文王名昌武王文王之子此言周
有天下之德周姬姓

巽

羊腸九縈相推稍前止須王孫乃能

上天

無註

兌

貧鬼守門日破我盆孤牝不駒雞不

成鷄

無註

渙

飽食從容出門上堂不失其常家無

凶殃

無註

節

陰淫不止白馬爲洵阜澤之子就高
而處

無註

中孚

執戈俱立以備暴急千人守門因以
益卑終安何畏

無註

小過

夾河爲婚水長無船遙心失望不見
歡君

無註

既濟

陰陽變化各得其宜上下順通奏爲


膚功

無註

未濟

任劣德薄失其臣妾田不見禽犬無所齒

無註



歷山之下虞舜所處躬耕致孝名聞四海為堯所薦纘位天子

虞舜父頑母嚚克諧以孝躬耕于

歷山之下其後堯以天下禪焉

之乾

蛭飛蠕動各有所配歡悅相逢咸得其處

蛭井中虫又詩蛭蛭者蠋

坤

繼祀宗邑追明成康光照萬國享世久長疾病不醫酉下即蒿蘆

成王康王比日周之明君德被萬方

享祀八百

屯

秋冬探巢不得鵲雛銜指北去媿我

少姬

無註

蒙

童妾獨宿長女未室利無所得

無註

需

鴻波逆流主人潛去蒿蓬代柱大屋

顛仆

無註

訟

目闇不明讒夫在堂左辟疾瘁君失其光

無註

師

王孫季子相與孝友明允篤誠昇擢
薦舉爲國幹輔

史記高陽氏有才子八人謂之八
愷高辛氏有才子八人謂之八元
堯未及舉舜於是舉八愷使主后
土舉八元使布五教

比

麟趾龍身日取三千南上蒼梧與福
爲昏道里夷易安全无患

詩麟之趾篇云麟之趾振振公子
于嗟麟兮傳云文王后妃德脩於
身而子孫宗族皆化於善故詩人
美之

小畜

三子成駒破其堅車輪載空輿後時

失期

無註

履

逐禍除患道德神仙遏惡萬里常歡

以安

無註

泰

黃池之盟吳晉爭強勾踐爲患夷國

不安

春秋魯哀公十三年公會晉侯及
吳子于黃池吳晉爭先繼書於越
入吳

否

青牛白咽呼我俱田歷山之下可以
多耕歲露時節人民安寧

無註

同人

有頭無目不見菽粟消耗爲疾三年
不復

無註

大有

山沒丘浮陸爲水魚燕雀無巢民無
室廬

無註

謙

高岡鳳凰朝陽梧桐嚶嚶啾啾
萋萋陳辭不多以告孔嘉

詩卷阿篇云鳳凰鳴矣于彼高岡
梧桐生矣于彼朝陽又曰矢詩不
多維以遂歌

豫

鰥寡獨宿憂動肯臆莫與宿食

無註

隨

馬躑破車惡婦破家青蠅汙白共子

離居

無註

蠱

長女三嫁進退不羞逐狐作妖行者

離憂

無註

臨

人無定法緩除才出地雄走歸陽不
制陰男失其家

無註

噬嗑

茹芝餌黃飲食玉英與神通長無

憂凶

無註

賁

東行無門西出華山道塞畏難遊子
爲患

華山爲西嶽見爾雅

剝

壽如松喬與日月俱常安康樂不懼
禍憂

赤松王喬皆古仙人名

復

探鷄得冬虫所願不喜道宜小人君子

咎蹇

鷄音扣哺而活者曰鷄

無妄

蝸螺生子深目黑醜雖飾相就衆人

莫取

無註

大畜

喜怒不時雪霜爲災稼穡無功后稷
飢憂

書曰汝后稷播時百穀

頤

烏升鵠舉炤流東海雁降庭堅爲陶
叔後封圻蓼六履祿綏厚

高陽氏才子八人
厖降庭堅其二
子也庭堅即臯陶字英
六春秋時
二小國見春秋魯文公十八年
蓼當作英

大過

黃離白日招我四國元首
昭明民賴其福

易離卦六二曰黃離元吉
書曰元

首明哉股肱良哉庶事康哉

坎

黍稷醇釀敬奉山宗神嗜飲食甘雨
嘉降獨蒙福力時灾不至

詩楚茨篇云我黍與與我稷翼翼
我倉既盈我庾維億以爲酒食以
享以祀又云神嗜飲食卜爾百福

離

福過我里入門笑喜與吾利市

無註

咸

晝卧里門悚惕不安目不得闕鬼搔

我足

闕音礙

恒

春草榮華長女宜夫受福多年世有

封祿

無註

逐

雍門內崩賊賢傷人暴亂狂悖簡公

失位

雍門齊城門也陳恒作亂簡公被

害事見哀公十四年

大壯

心志無良昌披妄行觸抵墻壁不見
戶房

無註

晉

膠車木馬不利遠賈出門為患安止
得全

無註

明夷

家在海隅繞短流深企立望宋無木
以趨

詩河廣篇云誰謂河廣一葦杭之
誰謂宋遠跂予望之

家人

冬葉枯槁當風於道蒙被塵埃左右
勞苦

無註

睽

過時不行妄逐王公老女失度不安
其居

無註

蹇

履泥汙足名困身辱兩仇相當身為
疾病

無註

解

精華墮落形體醜惡齟齬挫頓枯槁

腐蠹

無註

損

長生无極子孫千億栢柱載青堅固

不傾

無註

益

去辛就蓼毒愈酷毒不思我家避窞
入坑憂患日生

無註

夬

行堯欽德養賢致福衆英積聚國無
寇賊

書曰若稽古帝堯欽明文思安安

本其德性而言也

姤

狗逐兔走俱入谷口與虎逢晤迫不得去

無註

萃

皇尚阿衡太宰周公蕃屏湯武立為侯王

望太公呂尚也阿衡伊尹也太宰
官名周公爲太宰

升

清人高子久屯野外逍遙不歸思我
慈母

高子高克也詩清人在彭駟介旁
旁註云鄭文公惡高克使將清邑
之兵禦狄于河上久而不召師散

困
而歸高克奔陳鄭人爲作此詩也

三虫作蠱削迹無與勝毋盜泉君不
安處

按史記鄒陽書里名勝毋曾子不
入盜泉水名孔子不漱

井

驢牝龍身進所無前三日五夜得其

所欽

無註

革

黃裏綠衣君服不宜淫泆毀常失其
寵光

詩綠衣云綠兮衣兮綠衣黃裏言
衛莊公惑於嬖妾夫人姜氏賢而
失位故作此詩以比賤妾尊顯而

正嫡幽微

鼎

天所顧祐禍災不至安吉不懼

無註

震

盤紆九迴行道留難止須子丘乃睹
所歡

無註

艮

暴虐失國爲下所逐北奔陰月王居
旄頭

夏桀無道湯放于鳴條而死其子
葷粥妻桀之衆妾避居北野號曰
匈奴

漸

御駢從龍至于華東與離相逢送致

于邦

無註

歸妹

銅人鐵距雨露勞苦終日卒歲無有

休息

銅人即金人秦鑄金人十二

豐

大人失宜盈滿復虧長冬之禾盛者

滅衰

無註

旅

梅李冬實國多盜賊亂擾並作王不能制

春秋魯僖三十三年冬隕霜不殺草李梅實公羊傳曰紀異也此祿去公室政在公子遂之應

巽

澤枯無魚山童無株長女嫉妬使身

空虚

無註

兌

天門東虛既盡爲菑
臆睽黯蒼秦伯
受殃

漢官儀曰秦山東上七十里至大

小天門白虎通云秦封泰山禪梁

父

渙

褰衣涉河水深漬衣賴幸舟子濟脫

無他

無註

節

推車上山高仰重難終日至暮唯見

阜顛

無註

中孚

鼎易其耳熱不可舉大路壅塞旅人

心苦

易鼎九三鼎耳革其行塞

小過

四亂不安東西爲患退身止足無出

邦域乃得完全賴其生福

無註

既濟

班馬還師以息勞罷役夫嘉喜入戶

見妻

無註

未濟

積德不怠遇主逢時載喜渭陽身受

榮光

按史太公釣於渭水之陽後歸周
立爲師尚父

易林卷第五